

Aningaasaqarnermut Ataatsimiititaliap suliaq nr. 01.31.06/08-00333 pillugu sisamangornermi ulloq 22. maj 2008-mi aalajangiinera pillugu Naalackersuisunut ilisimatitsineq.

(Naalackersuisut ulloq 16. maj 2008-mi ataatsimiinneranni imm. 2b)

NIN-imi (Nunaminertanik Inniminnikkanik Nalunaarsuiffik) qarasaasiakkut nalunaarsuiffimmut nutaamut aningaasaliissutissanik qinnuteqaat

Naalackersuisut **inassutigaaat**,

- kontomi pingaarnermi 87.11.07-imi, NIN-imi qarasaasiakkut nalunaarsuiffimmut tunngasumi, suliassamut nr. 060.90.021-imut, NIN-imi qarasaasiakkut nalunaarsuiffimmut tunngasumut, aningaasaliissutit 1.600.000 koruuninik amerlineqassasut
- kontomi pingaarnermi 80.00.01-imi, Nuussinissanut sillimmatinut tunngasumi, aningaasaliissutit 1,6 mio. koruuninik ikilineqassasut.

Aningaasaqarnermut Ataatsimiititaliap oqaaseqaatai

Attaveqarnermut, Avatangjiisnut Aatsitassanullu Naalackersuisoqarfimmut qarasaasiakkut nalunaarsuiffimmut nutaamut aningaasaliinissaq Naalackersuisut suliame matumani qinnutigaaat. Nunaminertanik, nunaminertanik atuinernit, atuisinnaatitaanernik paasissutissanillu allanik taamaattunik eqqortumik nalunaarsuinissap qulakkeerneqarnisaanut nalunaarsuiffik atorineqassasoq qinnuteqaammi allassimavoq.

Aammattaaq allassimavoq nalunaarsuiffik nutaaq Nuna-GIS-imut aamma Scanjour Captiamut atanilerneqassasoq aammalu nalunaarsukkanit arlalippassuarnik ullumikkut takuneqarsinnaanngitsunik takunninnissamut innuttaasut periarfissaat qulakkeerneqassasoq.

Siumut naatsorsuutiginnissinnaannginnissamik pingaaruteqartuunissamillu missingersuusiornermut inatsimmi aalajangersakkanut aningaasaliissuteqarnissamik siunertaq namminermi naapertuuttutut isigineqarsinnaasorinangimmat qinnuteqaat taanna Aningaasaqarnermut Ataatsimiititaliap nalinginnaasumik akuersinnaanngikkaluarpa. Kommuninilli iluarsaaqqinnerup toqqaannartumik kingunerisaatut piumasaqaatit nalunaarsuiffik maanna piosoq atorlugu ingerlanneqarsinnaannginnerat qinnuteqaammi allassimavoq. Aammattaaq allassimavoq tamanna pillugu paasissutissat 2008-mi aningaasanut inatsisip akuersissutigineqarnerata kingorna Naalackersuisoqarfimmut ingerlatinneqarsimasut. Tamanna tunngavigalugu qinnuteqaat Aningaasaqarnermut Ataatsimiititaliamit akuersissutigineqarsinnaavoq. Taamaalilluni kommuninik iluarsaaqqinnerup akuersissutigineqartup kingunerisaanik aningaasaliissutit amerlineqarnissaannik qinnuteqaat aningaasartuutit siumut naatsorsuutigineqarsinnaasimanngitsutut isigineqartariaqarpoq.

Tassunga atatillugu kommuninik iluarsaaqqinnermut atatillugu pisortat IT-kkut atortulersuutaannik nutarterinissamik taarsersuinissamilluunniit pisariaqartitsisoqalissanngitsoq neriuutigigini ataatsimiititaliap oqaatigissavaa. Tassunga atatillugu Akileraartarnermut Aqutsisoqarfimmut IT-kkut atortulersuutit nutaat pillugit suliame 08-324-imi aalajangeeqqammernini ataatsimiititaliap innersuussutigissavaa. Tassunga atillugu Namminersornerullutik Oqartussat IT-mut tunngasuni sullississutinik pisortorneranik aqutsinerup pitsanngorsarneqarnissaa erseqqilluinnartumik pisariaqartinneqartoq aalajangiinermut tassunga atatillugu ataatsimiititaliamit oqaatigineqarpoq.

Taamaattumik IT-mut tunngasumik suliniut matumani pineqartoq sapinngisamik pitsaanerpaamik qulaajarneqarlunilu piareersarneqarsimassasoq ataatsimiititaliamit ersarilluinnartumik naatsorsuutigineqarmat ataatsimiititaliap erseqqissassavaa, taamaaliornikkut kinguaattoornerit aningaasaliissutinillu sippueratarsinnaanerit sapinngisamik minnerpaaffimmiitinneqarsinnaaqqullugit. Taamaattumillu NIN-imi qarasaasiakkut nalunaarsuiffimmut aningaasaliissutit naatsorsuutigisaraluit akimorlugit naammangitsut paasineqassagaluarpat, tamatumunnga nassuiaatissap tunngavissaqarluarnissaa naatsorsuutigineqartoq ataatsimiititaliamit aamma erseqqissarneqassaaq. Taamatutaaq nalunaarsuiffiup nutaap ingerlanneqarneranut aningaasartuutit aningaasaliissutitigut killiliussat attuuttut iluaniitinneqarnissaat naatsorsuutigineqarluinnarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalackersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua